

"মিষ্টি বাচ্চারা - যে খুশি তোমরা নিজেরা লাভ করেছ তা' সবাইকে দাও, সুখ-শান্তি বিতরণের ফেরি করো"

প্রশ্নঃ - বেহদের ড্রামার প্রতিটা সিন তোমরা বাচ্চারা ভালোবাস - কেন ?

উত্তরঃ - কারণ ক্রিয়েটর নিজে এই ড্রামা ভালবাসেন । তাই ক্রিয়েটর যখন ভালবাসেন, তখন তোমরা বাচ্চারাও নিশ্চয়ই এটা ভালবাসবে । তোমরা কোনও বিষয়ে বিপর্যস্ত হতে পারনা । তোমরা জানো, সুখ-দুঃখের একটা খুব সুন্দর নাটক রচিত হয়েছে যার মধ্যে জয় পরাজয়ের খেলা অবিরত চলতে থাকে । তোমরা এটাকে খারাপ বলতে পার না । দিনও ভালো রাত্রিও ভালো । এই ড্রামায় যে যেমন পার্ট পেয়েছে তা' অনেক খুশির সাথে পালন করলে তারা অনেক আনন্দে থাকে । এই বেহদ নাটকের নলেজ যারা স্মরণ করতে থাকে তারা সর্বদা উৎফুল্ল থাকে । তাদের বুদ্ধি ভরপুর থাকে ।

গীতঃ- আমাদের তীর্থ হল অনুপম ...

ওম্ শান্তি । বাস্তবে স্কুলে কোনও গান গাওয়া হয়না । এটা তো পাঠশালা, তবে তোমরা কেন গান গাও এখানে ? এই গান সত্যযুগে গাওয়া হয় না । আমরা এখন সঙ্গমযুগে বসে আছি । এই কারণে ভক্তি এবং গানের ভাব নিয়ে আমরা, তারা যে অর্থ করেছে, তা' বিশ্লেষণ করে বুঝিয়ে দিই মানুষ তাদের অর্থ বুঝতে পারেনা । *আমরা এখন না এখানে, না ওখানে ; আমরা এর দুইয়ের মাঝে বসে আছি । সেইজন্যে তাদের থেকে আমরা সামান্য আধার নিই* । বাচ্চারা তোমাদের জ্ঞান আর ভক্তির রহস্য বুঝিয়ে দেওয়া হয়েছে । ভবিষ্যতের জন্য তোমরা এখন জ্ঞান শুনছ । এমন কোনও মানুষ নেই যে পুরুষার্থ করে ভবিষ্যতের জন্য প্রারন্ধ বানাতে পারে । ভবিষ্যৎ নতুন দুনিয়ার জন্য তোমরা পুরুষার্থ করছ । মানুষ পরের জন্মের জন্য দান, পুণ্যাদি করে । ওটা হলো ভক্তি, এটা জ্ঞান । কেউ কেউ এমনও বলে জ্ঞান, ভক্তি আর বৈরাগ্য । সন্ন্যাসীদের হৃদে বৈরাগ্য যেখানে তোমাদের বৈরাগ্য বেহদের । ওরা তোমাদের ঘর-পরিবারের প্রতি অনাসক্ত করে কিন্তু দুনিয়ার প্রতি নয় । কারণ তারা কল্পের সময়কাল অনেক বড় করে দিয়েছে, এমনকি তারা জানেনা যে এখন তমঃপ্রধান জরাজীর্ণ দুনিয়া যার বিনাশ অবশ্যজ্ঞাবী । বাবা এখন এখানে বসে তোমাদের বোঝাচ্ছেন এবং তোমাদের বুদ্ধিও বলছে, এটা একদম ঠিক । সুতরাং, পবিত্রতাই এখানে মুখ্য যার জন্য তারা তাদের ঘর-পরিবার ছেড়ে চলে যায় । তোমরা পুরানো দুনিয়ার সবকিছু বুদ্ধি থেকে সরিয়ে দাও । পবিত্র দুনিয়ায় যাওয়ার জন্য তোমরা পবিত্র হও । তোমাদের যাত্রা বুদ্ধির । কর্মেন্দ্রিয়ের সাথে তোমাদের কোথাও যেতে হবেনা । তোমাদের দেহের কোনো কিছুই এতে প্রয়োজন হয়না । আমরা এখন রুহানী বাবার কাছে যাচ্ছি । শারীরিক যাত্রা অনেক হয় । কোনো সময় এক জায়গায় তো কোনো সময় আরেক জায়গায় । তোমাদের বুদ্ধি একমাত্র এক জায়গাতে । এটাকে তোমরা বিশুদ্ধ ভক্তি অর্থাৎ অব্যভিচারী ভক্তি বলতে পারো । তোমরা কেবলমাত্র একের স্মরণ করো । তাদের সকলের ভক্তি ব্যভিচারী; তারা অন্য অনেককে স্মরণ করে । তোমাদের অব্যভিচারী রুহানী যাত্রা যার মাধ্যমে তোমরা নিজের ঘরে পৌঁছে যাও । তারা নির্বাণধামকে নিজের ঘর বলে মনে করেনা । তারা বলে, অমুক অমুকে ইহলোক পার করে নির্বাণধামে চলে গেছে । তোমরা জানো, আমরা আস্তার সোফানে বাবার সাথে থাকি । বাবা এখন এসেছেন আমাদের ফিরিয়ে নিয়ে যেতে । তারা ভাবে, তারা সকলেই

ঈশ্বরের রূপ । তারা বহু শাস্ত্রাদি পড়েছে । এখানে তোমাদের সেইসব কিছুই শেখানো হয়না । এমনকি তোমাদের সেই সব কর্মকাণ্ডের সন্ধ্যাস করানো হয় । সেই সমস্ত কিছু ভক্তির কর্মকাণ্ড । ঈশ্বরের গতি এবং মত্ (সৃষ্টি নাটকের রহস্য) অনুপম অর্থাৎ সবকিছু থেকে আলাদা অথচ সর্বোৎকৃষ্ট । সর্বাগ্রে তোমাদের অলফ সম্বন্ধে শেখানো হয় । বাবা নিজেই দালাল হয়ে আসেন । তারা এটা গায়ও কিন্তু বুঝতে পারেনা । তোমরা ভক্তি অপছন্দ করোনা । তোমাদের কোনোকিছুর প্রতি ঘৃণা থাকেনা, কেননা তোমরা জানো এই ড্রামার সবকিছু পূর্ব নির্ধারিত । হ্যাঁ, নিশ্চয়ই এটা তোমাদের বোঝানো হয়েছে যে এই পুরানো নোংরা দুনিয়া ছেড়ে তোমাদের ঘরে ফিরে যেতে হবে । যখন তোমরা ভক্তি মার্গে ছিলে তোমাদের ভক্তির প্রতিই ভালবাসা ছিল । তোমরা গান ইত্যাদি শুনে নিজেরা আনন্দে ছিলে । এখন তোমরা বুঝতে পারছ যে সেইসব কাজের কিছু নয় । গান শোনায় কোনও ভুল নেই কিন্তু তোমরা জানো যে এটাও ভক্তির অ্যাক্ট । আমাদের বুদ্ধিমোগ এখন সেইসব থেকে ছিন্ন হয়ে জ্ঞানের সাথে যুক্ত হয়েছে । তোমরা জ্ঞান এবং ভক্তি উভয়ই জানো । মানুষ যতক্ষণ না জ্ঞান লাভ করছে ভক্তির প্রতি তারা আস্থাভাজন থাকে । আমরা জন্ম জন্মান্তর ধরে ভক্তি করে এসেছি । ভক্তির প্রতি আমাদের ভালোবাসা বেড়ে গেছে । এখন এটা আমাদের বুদ্ধিতে আছে যে সুখ-দুঃখ, জয়-পরাজয়ের এই খেলা পূর্ব পরিকল্পিত । সুতরাং তাদের ওপর আমাদের করুণা হয় । তারাও কেন না রচনা এবং রচয়িতার জ্ঞান লাভ করে বাবার থেকে উত্তরাধিকার প্রাপ্ত হোক ! তোমরা যে খুশি পেয়েছ তা অন্যকেও দেওয়া উচিত । যখন সিন্ধি ব্যবসায়ীরা দেখে কোনো বিশেষ একটা দেশে খুব ভালো বিজনেস হতে পারে, তারা তাদের বন্ধুবান্ধব এবং আত্মীয়স্বজনদের এই সম্বন্ধে বলে, অমুক অমুক জায়গায় যাও; তোমরা খুব ভালো উপার্জন করতে পারবে । তোমরা জানো এই রাবণ রাজ্যে দুঃখ ছাড়া আর কিছুই নেই । মানুষ জানেনা এই জ্ঞান আসলে কি ! এমনকি সাধু-সন্তরাও জানেনা যে তোমরা এই জ্ঞানের মাধ্যমে স্বরাজ্য অধিকার লাভ করো । তারা জিজ্ঞাসা করে এই জ্ঞান দ্বারা তোমাদের কি প্রাপ্তি হয় ? তখন এইরকম লেখা হয়ে থাকে, তোমরা সুখ এবং শান্তি উভয়ই লাভ করতে পারো, তাও অবিনাশী । যখন কেউ সুখ শান্তির ফেরি একটা প্রমাণ উচ্চতায় তুলে ধরে, সে তাতেই নিজেকে নিয়োজিত রাখে । হ্যাঁ, কিছু সময়ের জন্য তোমাদের শারীরিক সার্ভিসও করতে হবে । সতসঙ্গের সময়ও সকালে এবং বিকালে হয় । মাতাদের ঘরের দেখাশোনা করার বন্ধন থাকে, সেইজন্য দিনের বেলায় একটা বিশেষ সময় রাখা হয়েছে । সকালের সময় সবচাইতে ভালো কারণ মন তখন একদম ফ্রেশ থাকে । যা কিছু তোমরা শুনছ তা ধারণ করে পরিপাক করো অর্থাৎ মান্য করো । দুনিয়ায় এই কথা কেউ জানেনা নিরাকার পরমাত্মা তোমাদের পড়াতে আসেন । ভগবানুবাচঃ "আমি তোমাদের রাজযোগ শিখিয়ে মানুষ থেকে দেবতায় পরিণত করি ।" এই যোগ অতি প্রসিদ্ধ । মানুষ পরহিত কল্যাণে বিনাশী ধনের দান পুণ্য করে যাতে তারা রাজকীয় পরিবারে জন্ম নিতে পারে । এখানে তোমরা ২১ জন্মের উত্তরাধিকার লাভ করছ । সবকিছু দান করে পরিবর্তে তোমরা ২১ জন্মের জন্য লাভ করো । সেই সময়ে কোনও পদপ্রাপ্তির জন্য তোমাদের মেহনত করতে হয়না । পদ ফিক্স হয়ে যায় । তোমরা এখন বাবার থেকে তোমাদের রাজ্যাধিকার লাভ করছ । এই কারণে বাবা বলেন, ভালোভাবে পড়াশোনা করে জন্মের পর জন্ম রাজা হও । প্রথম জন্মে তোমরা উঁচু পদপ্রাপ্ত হবে । এমনকি কিছু কিছু প্রজাও উঁচু পদ লাভ করে । রাজস্বে দাসদাসী ইত্যাদিও প্রয়োজন হয় । তোমরা যত বেশী পড়াশোনা করে মহাদানী হবে ততই উঁচু পদপ্রাপ্ত হবে । বাবাও মহাদানী । তিনি সকলকে ধনবান বানিয়ে দেন । তিনি সবাইকে সুখ শান্তির বরসা দেন । একদম প্রথমে তোমরা সুখে যাও, ক্রিস্টিয়ানদের জন্যও বলা হয়, জঙ্গলে থাকত, পত্র পরিধান করত, বিকারের দৃষ্টিও ছিলনা । সেখানে সবাই সুখে ছিল কারণ প্রথম সময়কাল ছিল সতঃপ্রধান এবং পরে তারা সত্যো, রাজ্যো, তমো অবস্থার

মধ্য দিয়ে যায় । তাদের পাট তাদের নিজেদের, আমাদের পাট আমাদের নিজেদের । যারা এই ধর্মের তাদেরই স্যাপ্লিং লাগানো হতো । তোমরা যখন সম্পূর্ণ হয়ে যাবে, ততক্ষণাত্ তোমরা জেনে যাবে তারা তোমাদের ধর্মের কিনা ! তোমরা বাচ্চারা প্রত্যেককে বোঝাও যে, বাবা নতুন দুনিয়া রচনা করেন আর ভারত একা স্বর্গের সুখ সম্পত্তির বরসা লাভ করে, পরে সেই সমস্ত কিছুই তারা খুইয়ে ফেলে । ড্রামা অনুসারে উত্তরাধিকার নিতেও হবে আর নিয়ে হারাতেও হবে । এই চক্র সবসময় ঘুরছে । আমরা স্বর্গরাজ্যের সব সুখ-সম্পদ হারিয়ে এখন আবারও সেই বরসা লাভ করছি । লক্ষ্মী-নারায়ণের রাজ্য সম্পর্কে কেউ কিছু জানেনা । এই কারণে বলা হয়, কখন কিভাবে লক্ষ্মী নারায়ণ তাঁদের রাজ্যপাট লাভ করেছিলেন ? তারা শুরুতে কৃষকে দেখায় এবং লক্ষ্মী নারায়ণকে উধাও করে দেয় , আমরা সেখানে লক্ষ্মী নারায়ণকে সামনে রেখে কৃষকে অদৃশ্য করে রাখি । লক্ষ্মী নারায়ণ সত্যযুগের । তোমরা বলতে পারনা, নারায়ণ উবাচঃ । বাবা বলেন, আমি সঙ্গম যুগে আসি । লক্ষ্মী নারায়ণ নিশ্চয়ই পূর্ব জন্মে, সঙ্গমে তাঁদের রাজ্য অধিকার লাভ করেছিলেন । লক্ষ্মী নারায়ণ পুরো ৮৪ জন্ম নিয়েছেন, এখন তাঁদের অন্তিম জন্ম । একজন তো নিশ্চয়ই কেউ আছেন যিনি লক্ষ্মী নারায়ণকে রাজ্যপাট সঁপেছিলেন ! সুতরাং, ভগবানই তাঁদের রাজত্ব দিয়েছেন । এই সময় তোমরা সম্পূর্ণ বেগার হয়েছ, এরপরই তোমরা রাজকুমার হয়ে যাও । রাজকুমার অবশ্যই রাজা মহারাজার কাছে জন্ম নেয় । এখনও এমন অনেক ভালো রাজা আছেন যাঁরা তাঁদের প্রজাদের প্রতি স্নেহবৎসল । তোমরা জানো, আমরা এখন রাজযোগ শিখছি যার মাধ্যমে আমরা ভবিষ্যতের রাজ্যভাগ্য লাভ করি । আমাদের এই আশ্বা আছে - কেননা এই ড্রামা চিরন্তন, জয় পরাজয়ের খেলা । যা কিছু হচ্ছে তা ঠিক । ক্রিয়েটর কি এই ড্রামা পছন্দ করবেন না ! তিনি নিশ্চয়ই এই ড্রামা ভালোবাসবেন । তাহলে ক্রিয়েটরের সন্তানরাও এই ড্রামা নিশ্চয়ই ভালবাসবে । আমরা কাউকে ঘৃণা করতে পারিনা । তোমরা জেনেছ ভক্তি ড্রামারই একটা পাট । সমগ্র ড্রামা(সৃষ্টি রূপী নাটক) ভালো । তোমরা কেন বলবে ড্রামা খারাপ ? ড্রামার রহস্য আমাদের বুদ্ধিতে আছে যা আমরা তোমাদের বোঝাই । এখন ভক্তির পাট সম্পূর্ণ হয়ে এসেছে । এখন পুরুষার্থ করে বাবার থেকে বিশ্ব রাজত্বের বর্সা ব অধিকার নিতে হবে । বাবা বলেন, এইসব আসুরিক সম্প্রদায়ের ঘৃণার কোনও প্রশ্নই নেই । এই নাটক ঈশ্বরীয় সম্প্রদায়ের আর আসুরিক সম্প্রদায়ের । তারা নিজেদের অসুখী মনে করেনা । তারা ভক্তি করেই চলে, ভাবে ভগবান একদিন এসে তাদের ভক্তির ফল দেবেন, ঘরে বসে বসেই তারা কোনও না কোনও রূপে ভগবানকে খুঁজে পাবে । সন্ন্যাসীরা ভাবে তারা নিজে থেকেই নির্বাণধাম চলে যাবে । তাদের নিজেদের পুরুষার্থ দ্বারা তারা তত্ত্বের সাথে যোগযুক্ত হয় আর এটাই বিশ্বাস করে যে, তারা এর মধ্যেই লীন হয়ে যাবে । দুনিয়ায় বিভিন্ন মত আছে । বাবা এসে সেই সমস্তকে এক মতে প্রতিষ্ঠা করেন । তিনি বুঝিয়ে দেন ড্রামা অনন্তকালের জন্য রচিত হয়েছে, খুব সুন্দর নাটক তৈরি হয়েছে । সুখ দুঃখের পাট ড্রামায় নির্ধারিত হয়ে আছে যা দেখে খুব আনন্দ হয় । বেহদের এই খেলা খুব ফাইন তৈরি হয়েছে । তাই তো সকলের খুশি হওয়া উচিত । দিনও ভালো রাত্রিও ভালো । একটা নাটকই তো ! তোমরা জানো রাত্রি শেষ হয়ে এসেছে, আমাদের দিনের আলোয় যেতে হবে, নিতে হবে উঁচু পদের প্রাপ্তি ! তোমরা মুহ্যমান কিভাবে হতে পারো ? ড্রামাতে যে পাট পেয়েছ শুধু সেটাই প্লে করতে হবে । খুব ভালো এই ড্রামা । তোমরা বলতে পারনা এটা খারাপ । এই নাটক কখনও শেষ হয়না । এটা ফার্স্টক্লাস একটা নাটক । এটাকে জেনে তোমাদের বুদ্ধি ভরপুর হয়েছে । বাবা যেমন নলেজফুল, বাচ্চারাও নলেজফুল । তোমরা এখন সবকিছু জেনেছ, তোমাদের কত সময় সুখ আর কত সময় দুঃখ পেতে হবে, আর সেই কারণেই তোমরা বলো, হে প্রভু ! তোমার লীলা চমত্কার । ঈশ্বরের রচনা যখন, তখন অবশ্যই ভালো হবে । তাকে খারাপ কে বলবে ! ড্রামায় যে

যেমন পাট পেয়েছে তা পালন করতেই হবে। এই খেলা কখনও শেষ হয়না, ড্রামার সব দৃশ্যকে জানাতেই তো আনন্দ। ভক্তিমার্গে কেউ জানেনা সত্যযুগী রাজ্যপাটের কথা। সত্যযুগী রাজ্যে ভক্তি সম্বন্ধে অবগত থাকেনা। ভক্তিমার্গে তারা কত সুন্দর গান গায়, হে প্রভু, বিচিত্র তোমার অলৌকিক লীলা! একমাত্র বাচ্চারা তোমরাই এটা বুঝতে পারো। এই ঈশ্বরীয় খেলা আর কেউ জানেনা। সত্যিই আমরা কত বিশাল উত্তরাধিকার লাভ করি। সারাদিন এই ভাবনা থাকা উচিত কত ওয়ান্ডারফুল এই খেলা! এর ব্যাখ্যাও কত ওয়ান্ডারফুল। বাবার লীলা কত সুন্দর! তোমরা বেহদের এই নাটক জানো, তোমাদের যে পদ প্রাপ্ত হয় তা'দেখেও তোমরা আনন্দিত হও। মানুষ শুধুমাত্র একটা নাটক দেখেই খুশি হয়। সেখানে নাটক বিভিন্ন ধরনের হয়, আর এখানে এই নাটক একটাই হয়। এই নাটকের মুখ্যসার জেনে আমরা বিশ্বের মালিক হই। কতখানি ওয়ান্ডারফুল! তোমরা এটা জানতে পেরেছ বাবার থেকে। এইসব জিনিস মন্বন করতে হয়। গৃহস্থ ব্যবহারে থেকে দুই তিন ঘন্টা বার করে তোমাদের পরিবারের সাথে ওই নাটক দেখ। তোমরা কি সেই বিষয়ে কাউকে জিজ্ঞাসা করো? এটা সহজেই তোমাদের বুদ্ধিতে বসে যায়। একইভাবে এটাও বেহদের একটা নাটক মাত্র। কেন তোমরা তা' ভুলে যাও? এই চক্রের স্মৃতি তো একদম সহজ, অন্য কেউ এটা জানেনা। তোমরা বুদ্ধির দ্বারা জানো আর দিব্য দৃষ্টি দ্বারা দেখ। তোমরা যত অগ্রসর হবে, তোমরা আরও অনেক সিন সিনারিও (দৃশ্যাবলি) দেখবে। আচ্ছা -

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ-স্নেহ আর গুড মর্নিং! রুহানী বাবার রুহানী বাচ্চাদের নমস্কার।

ধারণার জন্য মুখ্য সার:-

১) বাবা সমান মহাদানী হতে হবে। সবাইকে সুখ শান্তির বর্ষা দিতে হবে। জ্ঞান ধারণ করে পরিপাক (নিজে ধারণ করে অন্যকেও করাতে হবে) করতে হবে।

২) বেহদ নাটক দেখে সর্বদা হর্ষিত থাকা উচিত। প্রভু লীলা আর এই ড্রামা কত বিচিত্র - একে স্মরণ করে খুশিতে থাকতে হবে।

*বরদান:- স্নেহের শক্তি দ্বারা মেহনত থেকে মুক্ত হয়ে পরমাত্ম স্নেহী ভব

স্নেহের শক্তি মেহনতকে সহজ করে দেয়, যেখানে ভালবাসা থাকে সেখানে মেহনত লাগেনা। মেহনত মনোরঞ্জন হয়ে যায়। ভিন্ন ভিন্ন বন্ধনে বাঁধা আত্মারা মেহনত করে কিন্তু পরমাত্ম স্নেহশীল আত্মারা সহজেই মেহনত থেকে মুক্ত হয়ে যায়। এই স্নেহের বরদান সর্বদা স্মৃতিতে থাকলে যত বড় পরিস্থিতিই আসুক না কেন ভালবেসে, স্নেহে পরিস্থিতিরূপী পাহাড়ও পরিবর্তিত হয়ে হালকা হয়ে যায়।

স্লোগান:-সদা নির্বিল্প থেকে অন্যকে নির্বিল্প বানাতে হবে - এটাই হল যথার্থ সেবা।